



**R**atbodus Germanus literis & uirtutibus insignis fuit. Habuit is præceptorem Nannonem philosophū doctissimum. sub quo breuī tēpore in omnibus disciplinis ita p̄fecit, ut magna autoritate postea in Caroli Grossi Imperatoris aula aduocatū ageret. deinde uerò litium pertæsus monasterium ingressus est, ut ociū literarium sequeretur. ibi sanctam uitam instituit, & S. Martini, Bonifacij, & Vuillebrodi uitam cum alijs Homelijs conscripsit. Vnde factum cum sedes Traiectēsis uacaret, ut communi suffragio eius loci decimusquartus Episcopus electus fuerit, anno circiter noningentesimo. Is ergo officij sui mem or

magna prudentia eam Ecclesiam per annos septendecim foeliciter gubernauit, eo nimirum tempore cum Hungari & Dani grauer Ecclesiam persequerentur. Itaq; uiuus & mortuus multis miraculis claruisse dicitur. Obijt tãdem cum uarios cantus in sanctorum honorem composuisset, atq; apud Dauentriam, ubi Episcopus ipse resederat, sepulturæ traditur. Trit.